

Dell'Otieri potente e civile
Primaria de vera agricultura
Ue b'est sa tenenza sa pretura
Ue b'hat una sede vescovile.

Ue tenes s'armenta, su colle
In sas tancas pienes de pastura
E i sos abitantes pro natura
Sun de nobil'istintu signorile.

Ue b'est sa femina otieresa
attiva calma modesta e selena
mantenet in progressu sa ricchessa.

Supportat su dolore e i sa pena
Ch'in veru pur'amore e docilesa
Santa pro domo sua e dom'anzena.

Motto: ISFOGOS D'UN'IDEA

PRO SA BEATA VERGINE DE SU RIMEDIU

Vergine mama et eterna Signora
In chelu mar'e terra venerada
Eccoti in Otieri festigiada
Benigna pietosa protettora.

Accudis e lu ses mediadora
Ue chin fide vera ses jamada
Accunortu de s'amina affannada
Ch'isperat sol'in Te in s'ultimora.

Timenne sa cundenna capitale
Li naschit in s'uju in sa pupia
Sa lagrima de s'operadu male.

A Tie su rimediu Maria
Ti timannat d'ogn'essere mortale
Su perdunu in s'ultima agonia.

Motto: ISEOGOS D'UN'IDEA

SU MATRIMONIU

Cal'est s'or'in sa vida sa plus bella
Dulch'e melodias a sos amados
Chi radun' sos coros separados
In d'una vidd'inconnott'e novella
E si vaghen'a pare sentinella
Pro cantu dae Deus son lassados
Si colan de amore vaeddados
Una vida de benedixione
E dae cussa nobile unione
Naschit e benit una parentella.

Cantu bellu s'aparit su caminu
traversanne su campu 'e sos amores
In mesu de violas e flores
Duos coros albergat unu sinu
E dae cussa incantevole giardinu
Semenadu de grazias e favores
N'istraen sos profumos e odores
E ne rennen s'ispiritu animadu
Bene chi sa natura hat regaladu
Vinament' a su poveru e mischinu.

Motto: ISFOGOS D'UN'IDEA